



## INATSISARTUNI

Partii Inuit  
Randi Broberg

UPA 2014/98-1  
28.5.2014

**Nunatsinni umiarsuarni aqumiutut ilinniarsimasut suliffissaqarnikkut periarfissaat qanoq pitsaanerulersinneqarsinnaanersut qulaajarumallugu apeqquteqaat aallaavigalugu oqallinnissamik siunnersuut.**  
(Saxtorph Didriksen aamma Lars Mathæussen)

Imarsiortortatta nunaqavissut kalaallit ilaatigut ikiffissarsiortarneq ajornartorsiutitut taakkartorpaat, allaat nuna allamiut salliutinneqartalersimallutik - tamannalu pissusissamisunngilluinnartutut isigaarput.

Aqumiusut ilinniartsitaaneq siornatigut kalaallisut ingerlaneanqarsimasup nunaqavissunik amerlanerusunillu ilinniakkaminni angusiffiusarsimanera takussutissaqarluarpoq.

Massakkut naalangangorniat atuarfiat dansk-isuinnaq ingerlavoq, naak siornatigut ilinniartitaanermi annerusumik Kalaallisut ingerlaneanqarsimasoq, - soorunami aamma tuluttut ilinniarneq pingaartinneqarpoq, pissutigalugu umiartortup nunarsuatsinni sumiluunniit allagartani atorsinnaassagamiuk.

Taamanikkut ilinniarneq annikitsuinnarmik dansk-isut ingerlaneanqartarpoq, ullumikkulli piumasagaatinngorsimavoq tunngaviusumik dansk-isuinnaq ilinniartitaaneq ingerlaneanqassasoq - nunarsuarmioqataassaguttagoq pinngittoorata dansk-isut oqaaseqassagatta, - taamaasillunilu aqumiusutut ilinniarnissaminut nunaqavissoq kalaallisuinnaq oqaaseqartoq mattusaaqqavoq, maannalu aamma ilinniartunit oqariartuutigineqarpoq danskiut oqalussinnaanissamik piumasagaateqarnerup aqqani ilinniartitaanerup ingerlaneanqarneqa pissutigiiinnarlugu uniinnartartut amerlisimasut, naak piukkunnaateqarluaraluartut.

Naalangangorniaq tuluttut angusinngikkuni nunatta imartaani naalakkatut atorfeqarsinnaanerminut periarfisaqarpoq, sinerissamiit 30 sømil tikillugu angalasinnaatitaalluni, - ullumikkulli dansk-isuinnaq ilinniartitaanerup ingerlaneanqarnera peqqutigalugu tamanna iluamik ilisimaneqarani.

Ilinniartuq tuluttut angusisimangikkuni periarfissaqartuaannarpoq misilitseqqinnissaminut, aammalu taamanikkut ilinniartitaanermi atuakkat tamangajammik kalaallisuujuupput, - oqaatsit oqaasersiat international-it ataasiakkaat eqqaassanngikkaanni kiisalu soorunami tuluttut ilinniartsitaaneq ingerlavoq.



## INATSISARTUNI

Partiit tamat naalackersuisullu matumuuna kingumut kaammattorpagut imarsiortortagut atukkamikku pitsanngorsaateqarniarnerinut ikiuteqqullugit.

Erseqqissaatigissavarput nunatta aalisarneq aammalu umiartorneq napassutigilluinnarmagu, taamaammat aningaasanik pilersuisutta, tassalu imarsiortortatta inuttat aammalu aqumiusut kalaallit pikkorilluinnartut tunniusimalluinnartullu ajunnginnerpaanik atugaqarnissaat inuiaqatigiit Kalaallit soqutigisariaqarlunnarmatigit.

Taamatullu manna iluatsillugu, kaammaattuutigissuarput;

Kalaallit aalisariutaanni inuttalersuisarneq pillugu Namminersorlutik Oqartussat nalunaarutaat nr. 13, 17. november 2011-imeersoq nutarterneqaqqullugu.

Ilaatigut soorlu;

paragraf 2-mi allaqqasoq:

“Inuttaasut officeriusut minnerpaamik 60 %-ii inuussapput.”

Ima allannngortinneqarnissaa siunnersuutigaaarpur;

§ 2. Inuttaasut officeriusut minnerpaamik **90 %-ii inuussapput nunaqavissut, inuttut oqalussinnaassuseqartut.**

Taama isumaliuutissiilluta siunnersuuteqarnitsinni tunngavingaarput qulakkeerusukkatsigu, ullumikkut nunaqavissuunngittunik atuiartuaaginnannerup killilernissaa, nunaqavissunik salliutitsinissarput qulakkeerniarlugu.

Nalunaarummi paragraf-it atuuttut allat aamma nutartertariaqartutut isigisagut uani taakkartunngikkaluarlugit itisilinngikkaluarlugillu,- naalackersuisunut kaammattuutigissuarput atuisut peqatigalugit nalunaarutip imarisaata nutarterneqarnissaa qissimngaaqqullugu, Partii Inuiniit aamma uagut piareersimavugut allannngutissanik pittannngortaasinnanillu sukumiinerusumik tikkuusseqataanissamut.

Partii Inuit pingaartillugulu isumaqarpugut tunngaviusumik nunaqavissut illersorneqassappata taava tamanna politikikkukut aalajagersaanikkukut aattaat pitsaasumik kingumut ineriartortitseqqilersinnaasugut, taamaammat suliffeqarfiit nunatsinni imarsiornermik ingerlataqartut aattaat erseqqissunik pisussaaffilersorutsigik, nunaqavissut imarsiortut kingumut amerlanerpaat sulilerseqqissinnaagigut isumaqarpugut.

Taama oqallisissiamut oqaaseqarluta, qujavugut oqallisaaummurmut.



INATSISARTUNI